

REPONSE DE PIERRE GHIONGA
CONSEILLER EXECUTIF EN CHARGE DE LA LANGUE CORSE
A LA QUESTION ORALE DEPOSEE PAR MME JOSEPHA GIACOMETTI
AU NOM DU GROUPE «CORSICA LIBERA»

OGGETTU : Per un veru insegnamentu bislinguu

Ô sgiu Présidente, Madama a cunsigliera,

Vi ringraziau per a vostra questione chi mette in lume a prublematicà cronica di **u disfunziunamentu in l'insegnamentu bislinguu...**

M'avite postu sta quistione un'annu fà, é tandu v'aghju rispostu chi un prublerma fundamentale hè a leia trà à nostra culletività è l'auturità accademica, in particulare, quellu di u cuntrolu nantu à u terrenu di l'appiicazione di i nostru pianu à prò di a nostra lingua...

Stu custattu hè sempre d'attualità, ma u votu di l'Assemblea pè una coofficialità di e lingue hè una prima risposta : una prima cuncretisazione seria a creazione d'U Cunsigliu Accademicu Territoriale chi per contu meù, ùn hà micca bisognu d'una riforma custizionale!

In tantu, circhimù d' avanzà avà nantu à u terrenu:

U custatu che nò fimu hè chi u sistema di e scole bilingue ùn viaghja micca malgradu u fattu chì u Retturatu ci dici chì indè e scole materne ci sò centu vinti nove (129) scole bilingue nantu à 351, à pocu pressu 36%, é simu luntanu di à generalisazione prevista da u pianu di sviluppu di a CTC è mai ripigliatu da u Statu!!

Indè u prima gradu, guasgi 30% di i sculari sò indè e filiere bilingue, ma ùn ci pudimu micca rallegrà di u livellu linguisticu dumandatu à l'esciuta di u CM 2 bilinguu chi hè semplicemente A2 chì hè un livellu elementariu è assai bassu.

A u secondu gradu, l'affare sò ancù più "in francese", perchè chì a maiò parte di e filiere dette bilingue, ùn danu à i nostri zitelli, mancu quattr'ore di discipline in corsu à simana.

Sta situazione un pò più durà.

Dumandimu dunque à u Retturatu e à u Ministru di l'Educazione:

1. a creazione di stu cunsigliu accademicu territoriale in quale serimu rinpresentati à paru cù u statu è chi li sià data a gestione di l'insignamentu bilinguu in l'accademia sana.
2. à generalisazione di l'insignamentu ind'è scole materne di u bilinguismu previstu indè u 2013, mà chi un ci vole andà aldilà di u 2015. Quessu vale dinò per a sperimentazione di l'immersione in scola materna
3. a messa in ballu di u pianu eccezziunale di furmazione di i maestri chi hè statu tante volte prupostu, ma mai appiegatu.
4. un veru sistema bilinguu paritariu tutale trà u corsu è u francese.

Verite chì u travagliu ùn ci manca, per fà chì ùn siamu più ind'è una pulitica educativa di parè, di affissera, ma ind'è una pulitica di realtà.

A ringrazia vi.